

Na osnovu člana 7. Odluke Vlade Tuzlanskog kantona o utvrđivanju Kriterija za dodjelu kredita redovnim studentima dodiplomskog studija koji su ostvarili natprosječan uspjeh broj: 02/1-14-7564/09. od 21.05.2009. godine, Ministarstvo obrazovanja, nauke, kulture i sporta raspisuje

K O N K U R S

za dodjelu kredita redovnim studentima dodiplomskog studija koji su ostvarili natprosječan uspjeh

I

Raspisuje se Konkurs za dodjelu kredita u akademskoj 2008/2009. godini redovnim studentima dodiplomskog studija koji su ostvarili natprosječan uspjeh.

II

Pravo na dodjelu kredita ima državljanin Bosne i Hercegovine koji ima status redovnog studenta pod slijedećim uslovima:

- da ima mjesto prebivališta na području Kantona,
- da ima mjesto boravišta u statusu raseljene osobe na području Tuzlanskog kantona, ili da je prije ostvarenog povratka u Republiku Srpsku imao status raseljene osobe na području Tuzlanskog kantona,
- da je u tekućoj akademskoj godini prvi put upisao određenu godinu studija,
- da ne prima kredit ili stipendiju od drugog davaoca ili po drugom osnovu u ukupnom godišnjem iznosu većem od 1.000,00 KM.

Studenti za koje se vrši subvencioniranje smještaja i ishrane u studentskim centrima, ne mogu biti korisnici studentskog kredita.

III

Lista dobitnika kredita, koji ispunjavaju uslove iz tačke II utvrđuje se na osnovu ostvarene prosječne ocjene iz prethodne godine studija koja ne može biti manja od 9,0, a za studente I godine studija na osnovu ostvarene prosječne ocjene u srednjoj školi koja ne može biti manja od 4,75.

Kod ostvarenog istog prosjeka ocjena, prednost kandidata ostvaruje se po slijedećem redoslijedu:

- osvojene nagrade i priznanja na međunarodnom takmičenju,
- osvojene nagrade i priznanja na državnom takmičenju,
- osvojene nagrade i priznanja na federalnom takmičenju,
- osvojene nagrade i priznanja na kantonalnom takmičenju,
- dodijeljene srebrene plakete,
- dodijeljene diplome o proglašenju učenika generacije za studente I godine.

IV

Uz prijavu na konkurs za dodjelu kredita treba priložiti slijedeće dokumente:

- uvjerenje o državljanstvu,
- potvrdu o mjestu prebivališta,
- potvrdu o mjestu boravišta i statusu raseljene osobe,
- uvjerenje da je kandidat prvi puta upisao odgovarajuću godinu studija u statusu redovnog studenta,
- svjedodžbe od I – IV razreda srednje škole (za studente I godine),

- potvrdu o položenim ispitima sa prosjekom ocjena iz prethodne godine studija,
- potpisanu izjavu kandidata da ne prima kredit ili stipendiju drugog davaoca ili po drugom osnovu.

Za studente dobitnike nagrada i priznanja na međunarodnom, državnom, federalnom ili kantonalnom takmičenju, studente dobitnike srebrene plakete i studente dobitnike diploma o proglašenju učenika generacije priložiti:

- diplomu ili uvjerenje o osvojenim nagradama i priznanjima na međunarodnom, državnom, federalnom ili kantonalnom takmičenju,
- srebrenu plaketu,
- diploma učenika generacije.

Dokumenti koji se prilažu uz prijavu na konkurs moraju biti originalni ili ovjerene kopije.

V

O dodijeljenom kreditu zaključuje se Ugovor o kreditu kojim se bliže uređuju međusobna prava i obaveze davaoca i korisnika kredita.

Rok za potpisivanje Ugovora o studentskom kreditu je 30 dana od dana donošenja odluke o dodjeli kredita, a ukoliko se u tom roku student ne pristupi potpisivanju ugovora gubi pravo na kredit u kom slučaju se kredit dodjeljuje sljedećem kandidatu sa Liste.

Studenti koji ne ostvare pravo na kredit obavezni su nakon objavljene konačne Liste dobitnika kredita preuzeti svoju dokumentaciju.

VI

Konkurs ostaje otvoren 15 dana od dana objavljivanja. Prijave na Konkurs sa potrebnom dokumentacijom slati na adresu: Ministarstvo obrazovanja, nauke, kulture i sporta Tuzlanskog kantona, Slatina 2, Tuzla.

Nepotpune i neblagovremene prijave neće se uzeti u razmatranje.

**MINISTARSTVO OBRAZOVANJA,
NAUKE, KULTURE I SPORTA TK**